

DEN SKINA CAYENTE...

Fotos y Texto: Jan Poets

Entrevista exclusivo cu Ben Schwengle di USA Army...

"GUERRA MESTER BIN PA KITA SADDAM HUSSEIN Y PA MUNDO POR TA LIBER DI PELIGRO"...

** Diasabra ultimo durante e programa "Poets Show" na Top 95 fm, a realiza un entrevista telefonico enbibo cu e joven Arubano Militar, Benjamin Schwengle, kende ta forma parti di USA Army pa bay bringa contra Irak. Ben su prome palabranan tabata su saludo cordial na su famia y muy especial na su Madushi Maria y Padushi Rosendi Colina. Ben a duna di conoce cu na aña 1985 cu su 7 aña di edad el a bay biba cerca su Mama na Estados Unidos. Tabata Ben su propio deseo pa forma parti di USA Army y na aña 1997 despues di un test general, Ben a drenta como militar den USA Army. Ben a duna di conoce cu e guerra mester bin pa kita Saddam Husein pa asina Mundo lo ta liber for di peliger. Ben a duna bon cla cu USA Army ta completamente di acuerdo pa President George W. Bush ataca Irak y liquida Saddam Husein. E Arubano Militar di USA Army a declara cu USA Army tin e armanan mas moderno y potencial di Mundo. Ben a duna un breve splicacion di con USA Army ta e mihor di Mundo: "Nos trainingnan ta mihor di Mundo, nos tin e mihor tecnologia, tanki y avion". Ben ta sigui splica: "Pero e unico cos cu nos tin miedo di dje ta e arma quimico cu Saddam Husein tin, cualnan ta VX Monster Gas, Anthrax y varios otro gasnan quimico, cualnan ta ser concidera como armanan sumamente peligriso pa henter Mundo y specalmiente pa Estados Unidos". Ben ta sigui relata: "Ta pa e e tipo di gasnan aki, President George W. Bush mester ataca Irak pa asina elimina e gasnan peligroso aki pa henter Mundo". Por a compronde for di Ben cu pa e guerra aki, USA Army a inventa un quimico cu lo wanta e gas venenoso y tambe e militarnan lo bringa den e guerra cu un trahe special

pa combati e gas venenoso. Ben su funcion den e guerra contra Irak lo ta como Sargento. Na momento cu e guerra inicia riba tera, Ben lo ta mei mei di e guerra riba un Howardser, cual no ta un tanki, pero den e mesun tipo pero cu balanan mas grandi. Ben como sargento su tarea lo ta tras di e tanki y lo tin cu manda e balanan pa e militarnan dilanti trata pa gana mas tereno. Ben a duna nos e primicia caba, cu USA Army lo bay cuminsa ataca como e prome riba suela di Irak. Esaki segun Ben lo ta muy problemante e fin di siman aki. Sea ta diabierna, diasabra of diadomingo awor. e guerra mester cuminsa segun Ben. President George W. Bush ta den spera solamente riba e permiso di Turquía, cual por a compronde cu durante fin di siman, Turquía a duna luz berde na USA Army pa drenta riba su suela, pa asina nan cuminsa prepara pa ataca Irak for di Turquía y Kuweit. Por a compronde for di Ben cu Turquía a negocia cu Estados Unidos pa un suma di placa pa drecha e economia di Turquía. Ben ta admiti cu e presion ta hopi duro, debi cu varios Pais manera Francia a duna bon cla cu nan no ta di acuerdo pa Estados Unidos ataca Irak y tambe tin varios protestanan rond Mundo pa Estados Unidos no ataca Irak. E Arubano Militar a duna di conoce cu pa Estados Unidos, e Pais mas importante ta Inglatera y cu e forza extra di Inglatera, esaki so ta suficiente pa liquida Saddam Husein pa eternidad. Pero toch Ben ta kere cu si e otro Nacionnan habri nan wowo, lo ta bon pa nan mes. Pa loke ta trata e personahe di Osama Bin Laden, keto bay tin un tension na Estados Unidos, pasobra esaki ta un otro tipo di guerra, cual ta un guerra di terrorismo. Pues banda di e guerra contra Saddam

Husein, tur dia Estados Unidos ta den alerta, debi cu nunca nan lo bay haya sa ki dia Osama Bin Laden lo bolbe ataca Merca den e mesun forma cruel y cobarde manera 11 September 2001. E temor mas grandi pa Estados Unidos ta cu Saddam Husein bende Osama Bin Laden un arma nuclear, cual lo ta desastroso pa Estados Unidos y mundo henter. Esaki ta e motibo principal cu Estados Unidos mester liquida Saddam Husein prome cu ta laat. Riba e pregunta cu si President George W. Bush tin evidencianan concreto tocante e armanan venenoso di Saddam Husein, Ben a contesta cu tin pruebanan di potret cu tabata tin movecionan prome cu e inspectornan a drenta Irak y cu e armanan aki ta bon scondi. E motibo cu Estados Unidos mester cuminsa ataca e fin di siman aki, ta debi cu e temporada di calor ta yegando y esaki lo por ta un desventaga pa e equiponan special di USA Army. E clima actual ta esun di mas mihor pa ataca Irak segun Ben Schwengle. Pues por a conclui for di e declaracionnan aki di e Arubano Militar, cu cueste loke cueste, e guerra contra Irak lo bay inicia e fin di siman aki. Ben ta expresa cu guerra no ta un cos dushi y cu nos Arubanonan mester aprecia e libertad cu cada ciudadano Arubano ta goza di dje. E cos mas duro como Militar segun Ben ta ora cu bo tin cu bay laga bo famia. Ben ta casa y tin un yiu di dos aña. Pero Ben ta sigui expresa cu esak ta algo cu el a escoge como su deseo, y ta algo cu e mester cumpli awor. Loke ta mas importante pa su famia, ta cu tur cos ta bon regla y cu nan tin tur cos cu nan mester pa biba. "Si mi famia ta bon, anto tur cos ta bon pa mi tambe", asina Ben a expresa durante Poets Show na Top 95 fm. Na final di e entrevista



**** Benjamin Schwengle, joven Arubano Militar di USA Army cu lo bay bringa pa USA den e guerra contra Saddam Husein na Irak...**

interesante aki, Ben ta manda su saludos pa su famia y henter pueblo di Aruba y cu su participacion durante e guerra como defensa na Estados Unidos, lo ta como representacion di su Pais natal ARUBA... Awemerdia lo ripiti e entrevista aki durante e noticia di Top 95 fm... Aki ta presenta un parti di su deseo riba

janpoets@hotmail.com: first of all i wanted to thank you for the interview. i also was wondering if you can publish this in diario for me telling the people of aruba thank you for thinking of me in times of hardship. that i also will be thinking of them. tell them that i am gratefully that i can represent the people of aruba.